

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva zdravstva, na 81. sjednici, održanoj dana 28.09.2012. godine, d o n o s i

## ZAKLJUČAK

### I.

Daje se saglasnost na Naredbu o sprovođenju obavezne preventivne sistematske deratizacije na području Zeničko-dobojskog kantona – jesenja faza 2012. godine, broj 11-37-20510-1/12 od 26.09.2012. godine, donesenu od strane Ministrice Ministarstva zdravstva Zeničko-dobojskog kantona.

### II.

Zaključak stupa na snagu danom donošenja.

Broj: 02-\_\_\_\_\_/12.  
Datum, 28.09.2012. godine  
Zenica

**PREMIJER**

*mr.sci. Fikret Plevljak, dipl.ing.*

DOSTAVLJENO:

1x Ministarstvo zdravstva,  
1x Kantonalni zavod za javno zdravstvo, putem ministarstva,  
1x a/a.

**Broj: 11-37-20510-1/12**  
**Zenica, 26.09.2012. godine.**

Na osnovu člana 13. stav 1. alineja 9. i člana 119. stav 2. alineja 11. Zakona o zdravstvenoj zaštiti („Sl.novine FBiH“ broj 46/10), člana 10. tačka 5. Zakona o zaštiti stanovništva od zaraznih bolesti Federacije BiH („Sl.novine FBiH“ broj 29/05) i Zaključka Vlade Zeničko-dobojskog kantona o usvajanju Programa provođenja jesenje faze obavezne preventivne sistematske deratizacije na području Zeničko-dobojskog kantona 2012. godine broj: 02-37-20510/12 od 19.09.2012. godine, a u vezi sa članom 13. Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 13/08), donosim

## **N A R E D B U**

### **o provođenju obavezne preventivne sistematske deratizacije na području Zeničko-dobojskog kantona – jesenja faza 2012. godine**

Obaveznu preventivnu sistematsku deratizaciju na području Zeničko-dobojskog kantona-jesenja faza 2012. godine provesti od 10.10. do 17.11.2012. godine.

Deratizaciju će na svim općinama Kantona, prema ovjerenom rasporedu, organizovati i sprovesti Zavod za javno zdravstvo Zeničko-dobojskog kantona uz stručni nadzor higijensko-epidemioloških službi domova zdravlja.

Deratizaciju izvesti sa antikoagulantnim rodenticidima druge generacije visokog učinka.

Obaveznom preventivnom sistematskom deratizacijom će biti obuhvaćeni slijedeći objekti i površine:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,
9. Vjerski objekti i groblja u gradskim naseljima,
10. Kanalizacione mreže sa šahtovima i izlivnim kolektorima,
11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti,
12. Stacionirani objekti i sredstva javnog saobraćaja,

13. Objekti za proizvodnju i promet živežnih namirnica i predmeta opće upotrebe (korisnici i vlasnici istih),
14. Objekti za pružanje usluga javne higijene i
15. Zajednički prostori stambenih zgrada (podrumi i tavani).

Troškove deratizacije pod rednim brojem 1. do 9. snose Kanton i općine iz svojih budžeta, a troškove pod rednim brojem 10.,11.,12.,13.,14. i 15. snose subjekti koji njima upravljaju.

Subjekti koji podliježu provođenju obavezne preventivne sistematske deratizacije dužni su obezbjediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije. U protivnom će biti sankcionisani prema važećim propisima.

Nalaže se svim općinskim načelnicima sa područja Zeničko-dobojskog kantona da na osnovu ove naredbe izdaju odgovarajuće općinske naredbe, te da odrede općinske sanitarne inspektore koji će provoditi kontrolu izvođenja akcije sistematske deratizacije na svojim područjima.

Zadužuje se Kantonalni sanitarni inspektor za nadzor akcije sistematske deratizacije na području Kantona.

Zadužuju se Zavod za javno zdravstvo Zeničko-dobojskog kantona, općinski načelnici i direktori domova zdravlja da putem ugovora regulišu odnose u sprovođenju predmetne deratizacije.

**MINISTRICA**

**Mr. med. sci. dr Senka Balorda**

**PRILOG:** Raspored provođenja sistematske deratizacije

**DOSTAVLJENO:**

- 1x Svim općinskim načelnicima na području ZDK,
- 1x Zavod za javno zdravstvo ZDK,
- 1x Kantonalni sanitarni inspektor,
- 1x Općinski sanitarni inspektori,
- 1x Svim direktorima domova zdravlja na ZDK
- 1x Arhiva.

